



ATASSUT

UPA 2016/ 54

Steen Lyngé

20. 04. 2016.

UKA2016-mi Naalackersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuiaammik agguasseqqullugit qanorlu ataasiakkaarlutik tulluunnerannut nalilersueqqullugit Naalackersuisut peqquneqarnissaannik Inatsisartut aalajangiiffisassaattut siunnersuut. Nassuiaammi nalilernerqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppernarsaat, nuna tamakkerlugu atuuttusaaq atorneqalersuuppat.

(Inatsisartunut ilaasortaq Michael Rosing, Demokraatit)

Siunnersuummi siunertarineqarpoq nuna tamakkerlugu kortimiik kinaassutsimut uppernarsaammik atuutsitsisoqalerneratigut innuttaasut pisortanut attaveqartarnerat pisariinnerulersinneqarsinnaanersoq naliliiffiqarsinnaalissasoq. Peqatigitillugu nassuiaammi paasinarsitinneqassaaq innuttaasup inuiaqatigiinnut kalaallinut attuumassuteqarneranut tunngatillugu malittarisassat paatsuunganangitsumik aaqqissuunneqarsinnaanersut.

Pisortat ingerlartaannit sullinneqarneq oqinnerullunilu pisariinnerusunnigortinneqassaaq.

Innuttaasut pisortanut saaffiginnikkaangamik ilungersuussisariaqartarnerat kiisalu piffissartornartumik sullinneqartarnerat qasseerpassuartigut misigineqarsinnaasarpoq. Innuttaasut misigineqarsinnaasarpoq sullissisumiit sullissisumut allamut innersuunneqattaarneq, siusinnerusukkullu sullissisorisimasamut nassuiaatigereersimasamik nassuiaateqaqqittariaqartarneq, naggataatigullu aatsaat kiisami sullissisoq suliamik isumaginnittusaaq anguneqarsinnaasarluni.

Kortimik ilisarinaammik atuisoqalerneratigut sullissisut arlallit aqusaartariaqartarnerat pisariaqarunnaarsinneqarsinnaappat taava tamanna siunniunneqartariaqarpoq. Kisianni misissuinikkut qularnaallisinneqaqaartariaqarpoq kinaassutsimut uppernarsaammik atuilersitsinikkut akimmisaarutaasartut tamakku pinngitsoortinneqarsinnaalerumaanersut.

Kinaassumik uppernarsaammik atuilersitsinikkut periarfissat allat atuutsilersinneqarnissaat Atassummiit takusinnaavarput.

Ullumikkut ajornangitsuararsuuvoq imigassanik aalakoornartortalinnik cigarettinillu inersimasunuinnaq pisititsisoqarsinnaaneranik maleruagassat saneqqutaarneqarnissaat.

Tamatuma peqatigisaanik pisiniarfinni sulisunut ajornakusoorsinnaasarpoq imigassanik cigarettinillu pisiniat kinaassutsimut uppernarsaammik takutitsinissamik piunaffiginissaat. Tamatumunnga pissutaasinnaavoq inuit ukiumikkut inuutinniginersut nalileruminaasinnaasarnerat – imaluunniit pisiniartitap aaqqiagiinnigissuteqarfigineqalersinnaanerata pinngitsoorumaneqartarnerat. Tamanna peqquteqarpoq pisiassat tamakku pisarineqalerneranni kinaassutsimut uppernarsaammik tamatigut takutitsisoqartarnissaanik inatsisitigut piunasaqaateqartoqannginneranik.

Kinaassutsimut uppersaammik takutitsisoqqaartalernissaanik inatsisitigut piumasaqaateqartoqalerneratigut innuttaasunut erseqqissunngortinneqassaaq pisiassat tamakku taamaallaat pisiaritinneqarsinnaasut inunnut oqartussaaqataaneq eqqarsaatigalugu inersimasutut naatsorsuunneqalereersimasunut. Tamatuma aamma pisiniartitsisut kinaassutsimik uppersaammik takutitsivineqqaarnissaminnik piumasaqarsinnaanerat ajornanninnerulersissavaa..

Taamaalilluni korteq kinaassutsimut uppersaat aamma pinaveersaartitsinermut iluaqutaalersinnaavoq, tassami siunissami inuusuttuaqqanut 18-it inorlugit ukiulinnut pisititsinissaq pinngitsoortikkuminarnerulissamat.

Atassummiit erseqqissaatigissavarput kortit kinaassutsimut uppersaatit pillugit aalajangiinissaq akuersissutigineqarpat, taava imigassanik aalakoornartortalinnik cigarettinillu tuniniaasarnermut inatsisitigut maleruagassat nalimmassarneqarnissaat pisariaqalersinnaammat.

Atassummiit maluginiarparput Naalackersuisut allannguutissatut siunnersuummik saqqummiussaqaarmata, tassanilu digitalikkut kinaassuseqarneq aamma kortit kinaassutsimut uppersaatit periusissiariniarneqartumi ilaatinneqarnissaat siunertarineqartoq.

Allannguutissatut siunnersuut taanna taperserlugu Atassummiit taaseqataaffigissavarput, taamaaliornitsinnulli atatillugu piumasarissallutigu kortimik nassatarineqarsinnaasumik siunissami atuilersitsoqarnissaa Naalackersuisut sulissutigissagaat.

Qujanaq!